

Delegacion di Hulanda a mira e proyecto di tram y desaroyonan rond di dje



ORANJESTAD - Un delegacion grandi di miembronan di Tweede Kamer cu a participa den e Parlamentonan di Reino, IPKO na Corsou a bishita tur e islanan Hulandes den Caribe. Durante nan bishita nan a mira riba e desaroy di caya grandi pero tambe tur e trabounan cu tin rond. Aki a ilustra con e proyectonan a wordo poni riba papel, con nan a wordo ehecuta y presente tabata tur esunnan cu tabatin di haber cu esaki. Sr. Sam Schwartz, kende a haya

e oportunidad pa combersa cu parlamentarianan a expresa di ta contento pa e hecho di e reaccionnan cu el a ricibi riba su presentacion cu tabata uno positivo. No solamente cu e proyecto di e tram, pero en general. "E delegacion tabata impresionada cu e isla di Aruba. Un par di nan a comenta cu nan a bishita Aruba hopi biaha y Aruba ta esun mas dinamico," segun Schwartz. Esaki tabata un bon elogio pa e isla. E comentarionan riba e proyecto di tram di parti e

Parlamentarianan Hulandes ta cu nan ta impresionada con e vehiculonan ta wordo construi e caracteristicanan di e isla y e region. E parlamentarianan a keda impresionada cu e forma excelente di cual e trolley a wordo construi. Hopi pregunta cu e parlamentarianan Hulandes tabata ta haci riba e meta di e trolley y con a yega na e idea pa hinca esaki den e plan renoba y revitalisa centro di

ciudad. Sr. Schwartz a splica cu esaki tabata e vision di Prome Minister, pero cu Minister di Infraestructura Sr. Benny Sevinger inicialmente tabata skeptico prome cu e plan aki. Minister Sevinger tabata skeptico di e plan aki door di e construccion di e stacionnan di coriente y kabelnan cu ta core na halto pa cu e trolley. Den deliberacion y consulta a bin topa cu un sistema cu ta funciona bon na Los Angeles, Merca,

cu no mester di un stacion di coriente apart pa e trolley. E resultadonan ta mustando di ta uno bon. Di mira con e bishitantenan ta reacciona ta pone cu Sr. Schwartz ta sinti su mes feliz, principalmente esunnan cu ta mira ora cu nan ta core den e trolley. Ya caba a gana premio cu e trolley for di "American Council of Engineering Companies," cual lo wordo entrega na luna di maart na Waldorf Astoria, New York. □

